



9. juni 2026

UPA2026/148

Uunga siunnersuut: Putsup gassiinut imermik saligutikumik umiarsuit Kalaallit Nunaata imartaani kuutsitsinissaanik inerteqquteqarnissaanik, Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

Siumumiit Inatsisartunut ilaasortaq Justus Hansen, Demokraatit, siunnersuuteqarneranut qujavugut.

Imartatta, uumassusilinnik pisuussutitta aammalu inuussutissanik minguitsunik avammut tunisaqartarnera mianerinissaa Siumup pingaartilluinnarpaa. Taamaattumik umiarsuaqarnerup mingutsitsineranik annikillisaaneq aammalu Issittumi avatangiisitta minguitsuunissaat piujartitsinissarlu siunertaralugu suliniutit tapersersorpagut.

Naalakkersuisut OSPAR-ip pilersaarutaanut, soorlu putsup gassiinut imeq atorneqartoq (scrubbervand) pillugu nunatta imartaanut aniatitsisarnerup atorunnaarsikkiartuaarneqarnissaanut tunngatillugu, Tamatumunnga Kalaallit Nunaata ilanngunneqarnissaanik aalajangereersimaneq Siumumiit naammagisimaarparput. Taamaalilluni siunnersuuteqartup kissaatigisaata tungaanut alloriarnerit pingaarutillit siumut ingerlanneqareersimapput.

Siumumiit naleqquttutut isigaarput inerteqquteqarnerup atuutilersinneqarnissaa pilersaaruserluugaasumik aammalu inatsisitigut ingerlatsinikkullu tunngavissaqarluartumik ingerlanneqassasoq. Taamaaliornikkut oqartussat inuussutissarsioertullu piumasaqaatinut nutaanut naleqqussarnissamat periarfissaqassapput, avatangiisillu mianerinninnissaq suli salliutinneqarluni.

Tamanna tunngavigalugu Siumumit Naalakkersuisut allannguutissatut siunnersuutaat taperserparput.

Taamatut oqaaseqarluta Siumumiit siunnersuut eqqisisimatitsinermut avatangiisinullu ataatsimiisitaliamut ingerlateqqinnissaanut innersuussutigaaarput.

Qujanaq.

Erik Jensen, Siumut